

3755

Նախան Գրադանառանքի

ԾԱՂԿԱՔԱՂ

ԱՐՁԱԿ ԵՒ ՉԱՓԱԾՈՅ ԲԱՆԻՑ

Ի ՊԵՏԱ ՎԱՐԺԱՐԱՆԱՅ

Ա Ր Ա Ր Ե Ա Ղ

Ի ԿԱՐԱՊԵՏԻ ԿՈՍՏԱՆԵԱՆՑ

ՇՐՋԱՆ ԱՌԱՋԻՆ

Բ. ՏՊԱԳՐՈՒԹԻՒՆ

Ծառն արմատով է ծառ.

Տունն հիմամբ է տուն.

Longum iter est per praecepta,
Breve et efficax per exempla.

491.99-8

Կ-75

Տ Փ Խ Ի Ս

Մովսիսի Վարդանեան
1884



arm

918

191. 99-8

1005-10

Հրատարակութիւն Կենդանական Գրականության
4-75

1918. 20. 4

БИБЛИОТЕКА
ИНСТИТУТА
ВОСТОЧЕДЕНИЯ
Академии Наук
С. С. Р.

ԾԱՂԿԱՔԱՂ

ԱՐՁԱԿ ԵՒ ՉԱՓԱՆՈՅ ԲԱՆԻՑ

Ի ՊԷՏՍ ՎԱՐԺԱՐԱՆԱՅ

Ա Ր Ա Ր Ե Ա Ղ

Ի ԿԱՐԱՊԵՏԻ ԿՈՍԵԱՆԵԱՆՑ

ՇՐՋԱՆ ԱՌԱՋԻՆ

Բ. ՅՊԱԳՐՈՒԹԻԻՆ

Ծառն արմատով է ծառ.
Տունն հիմամբ է տուն.

Longum iter est per praecepta,
Breve et efficax per exempla.

Տ Փ Խ Ի Ս

Տպարան Մովսիսի Վարդանեան:

1884

01-2001

8530
810

24.05.2013



Дозволено Цензурою. Тифлисъ. 22 Октября 1884



60746-67

Тип. М. Вартамянца Тройц. пер. д. № 11

Ա Զ Դ

Համարենք թէ աշակերտը նոր է ուսել խոնարհումն է. հոյովումը: Անմիջապէս նորա ձեռքը տալու է այս Ծաղկաբաղը: Սորա մէջ ամփոփուած են Հայոց նախնի մատենագրութիւնից եւ Սուրբ Գրքից առած այնպիսի հատուածներ, որ նորավարժ աշակերտին մատչելի են եւ հետաքրքրելի:

Բոլոր հատուածների բիւն է 58. ճոցա ուսումնասիրութիւնը միակերպ լինելու չէ. ոմանք կարդալու եւ բարգմանելու համար են, ոմանք չափածոյ ձեւից արձակի փոխադրելու, ոմանք թելադրութեան եւ վերլուծութեան, ոմանք անգիր անելու, կամ կարդացածը բերանացի աշխարհօրէն պատմելու եւ այլն: Այդ ամենի ընտրութիւնը կախուած է վարժապետից:

Այս երկրորդ տպագրութեան մէջ մենք արժան տեսանք մի քանի կարեւոր փոփոխութիւններ անել՝ ազգի առաջ ունենալով մեր եւ ուրիշների փորձերը: Մի քանի հատուածներ դուրսը բողիք, որպէս զի մեր Ծաղկաբաղի Ա. շրջանի մէջ ասելի շատ տեղ գրաւեն Ս. Գրքի հատուածները. որովհետեւ ճոցա առաջնորդութեամբ աշակերտն ասելի հեշտ կարող է գտնել իւր զարգացմանն համապատշաճ ընտելութիւն գրաբանի մէջ:

մեռողը անմիջապես լվանալով ձեռքերը և ոտները, զգուշացնում են իրենց հարազատներին, որ նրանք չեն պետք լինում իրենց հետ շփվելու, քանի որ նրանք կարող են լինել վարակվածներ։

—մու նաեղս գեմն, զմն մտեգազարտա լողողիկն ալ, Ս
իզոյն լինա գեմն իրախիտի գտեղս լինալ զն գնա
լինալ իՄ չղմնդոսի իզմնիկոն ալ զմն իւրանման չառա
տալախաՅ զմն իր սկիւղն, զմիտոյ զսկիւղն զմնառտալ
իզո՞Ք Ս մնաղը բնա ուսը լինալ զմն լինաղը Ս իր
ալ զնաեղազարտեղառա աղմ մնալիւղն, զլմնառտալ
մնալաբարտա զալ լինալ ի լողալի ուղմ լինալ մաղախա
զմն լաղաղը մալաղալմնը նառապառնմ

...միջոցներով համարժեցանալով իրենց
հայրենիքին։

Զմեռն էանց, անձրեւը անցին եւ գնացեալ մեկ-
նեցան. ծաղիկը երեւեցան յերկրի. ժամանակ
յատանելոյ հՀատ. ձայն տաւորակի լսելի եղեւ յեր-
կրի մերու . թցենի ընծիւղեաց զբողբոջ իւր. այ-
գիւր մեր ծաղկեցան եւ ետուն զհոտս իւրեանց:

Բ. ՇԱԽԻՂՔ ԱՄԲԱՐՇԱՑ.

Որդեակ մի՛ խաբեսցեն զքեզ արք ամբարիշտք։
Եթէ կոչեսցեն զքեզ եւ ասիցեն. Ե՛կ ընդ մեզ.
Ժաճկեսցո՛ւք յերկրի զայր արդար. բարձցո՛ւք
զյիշատակ նորա յերկրէ. եւ զտաշուածս նորա
զպէսպէսս ըմբռնեսցո՛ւք. լցցո՛ւք զտունս մեր
աւարաւ։ Որդեակ մի՛ երթար ճանապարհ ընդ
նոսա, զի ոտք նոցա ի չարիս ընթանան։

Գ. ՄՇԱԿՔ ԱՅԳԻՈՅՆ.

Այր մի էր տանուտէր, որ տնկեաց այգի. եւ ցանկով պատեաց զնա. եւ փորեաց ի նմա հնձան. եւ շինեաց աշտարակ. եւ ետ զնա ցմշակս. եւ գնաց ի տար աշխարհ: Իբրեւ մերձեցաւ ժամանակ պտղոյ, առաքեաց զծառայս իւր առ մրշակսն՝ առնուլ զպտուղս նորա: Եւ կալեալ մշակացն զծառայս նորա, զոմն տանջեցին, զոմն սպանին, զոմն քարկոծեցին: Դարձեալ առաքեաց այլ ծառայս բազումն քան զառաջինսն, եւ արարին նոցա նոյնպէս: Յետոյ առաքեաց առ նրսա զորդի իւր եւ ասէ. Թերեւս ամաչեսցեն յորդոյ աստի իմմէ: Իսկ մշակքն իբրեւ տեսին զորդին, ասեն ընդ միտս. Սա է ժառանգն. եկայք, սպանցուք զսա, զի մեր լինիցի ժառանգութիւնն: Եւ հանին զնա արտաքս քան զայգին եւ սպանին:

Դ. ԵՐԳ ԴԱՇՏԱՅ.

ԶԻՆՔ քաղցր մեզ շինականաց,
Բայց նուազել զերգս դաշտաց,
Զարօտ լերանց, զալբիւր վճիտ,
Ըզհովանիս անտառախիտ:

Ե. ՈՐՍՈՐԴ.

Որսորդն կալաւ կաքաւ մի. եւ կամէր զհնուլ. եւ ասէ կաքաւն. Մի սպանաներ զիս. զի ես խաբեցից զբաղում կաքաւս եւ ածից յախնաւս քո: Եւ ասէ որսորդն. Այժմ ստուգիւ մեռցիս ի ձեռաց իմոց. զի զսիրելիս եւ զազգականս քո մատնես ի մահ:

Զ. ՊԱՏՈՒԻՐԱՆՔ ՏԵԱՌՆ.

Մի յօժարեսցիս ընդ բազումն ի չարիս: Մի՛ հաւանեսցիս ընդ անիրաւի լինել վկայ անիրաւ: Յամենայն ի զուր բանէ ի բաց լինիցիս. եւ զարդարն եւ զանպարտն մի սպանանիցես. եւ զամբարիշտն մի ապրեցուցանիցես վասն կաշառաց:

Է. ԵՐԱԶ.

Տեսանէի ծառ մի ի մէջ երկրի. եւ բարձրութիւն սորա մինչեւ յերկինս. եւ լայնութիւն նորա ի ծագս ամենայն երկրի. տերեւ նորա գեղեցիկ. եւ պտուղ նորա բազում: Ի ներքոյ նորա բնակեալ էին զազանք վայրի. եւ յոտոս նորա հանգուցեալ էին Թռչունք երկնից: Տեսանէի եւ ահա՛ զուարթուն իջանէր յերկնից եւ ասէր. Հատէք զծառդ եւ քշտեցէք զոտոս դորա. Թօթափեցէք զտերեւ դորա. եւ զպտուղ դորա ցրուեցէք:

Բ. ՏՐՏՈՒՆԶ.

Երբեմն տրտուել անգէոց, թէ փասն ծննդոց մեր աշխատիմք. եւ ստեամբք ժողովեմք կաթն. եւ մարդիկ ճմլեալ զսրտիսն առնուն ի մէնջ զլատտակս մեր. ելցուք եւ այլ մի դարձցուք առ նոսա: Եւ մի ոմն ի նոցանէ իմաստուն ասէ. Ոչ է այդպէս. զի զաւելորդսն քան զպէտտ ծննդոց մերոց առնուն մարդիկ. եւ խնամեն մարդիկ զմեզ եւ զծնուդս մեր. զի առնումք շատ քան թէ տամք:

Թ. ԻՄԱՍՏՈՒԹԻՒՆ.

Երանեալ է այլ, որ եգիտ զիմաստութիւն. զի լաւ է զվաճառն զայն գտանել քան զգանձս ոսկւոյ եւ արծաթոյ. պատուականագոյն է քան զականա պատուականս. ամենայն ինչ պատուական չարժէ զնա. զի երկայն աւուրք եւ ամբ կենաց ի յաջմէ իւրմէ, եւ յաջեկէ իւրմէ փառք եւ մեծութիւն. ի բերանոյ նորա բլխի արգարութիւն. զօրէնս եւ զօգորմութիւն ի լեզուի իւրում կրէ:

Ժ. ՓԱՐԻՍԵՅԻՆ ԵՒ ՄԱՔՍԱՒՈՐՆ.

Արք երկու ելին ի տաճարն կալ յաղօթս, մին փարիսեցի եւ միւսն մաքսաւոր: Փարիսեցին կայր մեկուսի եւ զայս առանձինն աղօթս մատուցանէր. Աստուած իմ, գոհանամ զքէն. զի ոչ եմ իբրեւ զայս ի մարդկանէ, զյափշտակոյս եւ զանիրաւս եւ զշուռնս կամ իբրեւ զայս մաքսաւոր. այլ պահեմ երկիցս ի շաբաթու եւ տամ տասանորդս յամենայն ստացուածոց իմոց: Եւ մաքսաւորն կայր մեկուսի եւ ոչ կամէր զաչսն ընդ երկինս ամբառնալ. այլ կոծէր զկուրծս իւր եւ տսէր. Աստուած, քաւեա՛ զիս զմեղաւորս: Ասեմ ձեզ. էջ սա արգարացեալ ի տուն իւր քան զնա, զի ամենայն՝ որ բարձրացուցանէ զանձն իւր, խոնարհեցի. եւ որ խոնարհեցուցանէ զանձն, բարձրացի:

ԺԱ. ԻՐԱՏ.

Լուր, որդեակ, խրատու հօր քո. դարձո՛ զոտն քո ի ճանապարհէ չարէ. իմոյ իմաստութեան անսա՛ եւ իմոց բանից մատո՛ զունկն քո. զի մի զղջանայցես յետոյ եւ ասիցես թէ զիմրդ ատեցի զխրատ, ոչ լսէի ձայնի խրատուի իմոյ եւ ուսուցչի իմոյ ոչ գնէի զո՛նկն իմ:

ԺԲ. ԳԱՐՈՒՆ.

Լուծան գետոց սաւամանիք,

Պճնի երկիր դաւարալէզ:

Շնչէ զեփիւռ արդ քաղցրասիք,

Արդ արձակեն հաւք զգեղգեղ:

Լէր դու, մանուկ, գործօն և ժիր,

Տէս իբր ի գործ ճեպի մեղուակ.

Համեստութիւն, գատրիկդ, ուսիր,

Մինչ ժողովես զմանիշակ:

ԺԳ. ՍԱՄԱՐԱՅԻՆ ՈՂՈՐՄԱԾ.

Այր մի իջանէր յերուսաղեմէ յերիքով. եւ անկաւ ի ձեռս աւաղակաց, որք մերկացողին զնա եւ վէրս եղին, թողին կիսամահ եւ գնացին: Դէպ եղեւ բահաճայի միջ իջանել ընդ նոյն ճանապարհ. եւ տեսեալ զնա՝ զանց արար: Նոյնպէս եւ Ղեւտացի մի եկեալ ընդ նոյն տեղի՝ ետես եւ զանց արար: Սամարացի ոմն ճանապարհորդեալ՝ եկն ընդ նոյն առ նովաւ. եւ տեսեալ զնա գթացաւ. եւ մատուցեալ՝ պատեաց զվէրս նորա, արկեալ ի վերայ ձէթ եւ զինի. եւ եղեալ ի վերայ գրաստու իւրոյ՝ ած զնա ի սլանդոկի մի եւ դարմանեաց զնա: Եւ ի վաղիւ անդր՝

իբրեւ ելանէր անտի, հանեալ ետ ցպանդոկապետն երկուս դահեկանս եւ ասէ. Դարման տար դմա. եւ զոր ինչ ծախիցես ՚ի դա, ի միւսանգամ՝ գալստեան իմում հատուցից քեզ:

ԺԴ. ՈՂՈՐՄԱԾ ՈՒԹԻՒՆ.

Մի յապաղե՛ր բարի առնել կարօտելոյն: Յորժամ ձեռնհաս իցես օգնել նմա, մի ասիցես թէ երթ եւ եկեսջիր եւ վաղիւ տաց: Քանզի ոչ գիտես զինչ վաղիւն ծնանիցի քեզ: Մի նիւթեր բարեկամի քում՝ չարիս, որ յեցեալ եւ յուսացեալ իցէ ի քեզ:

ԺԵ. ՈՐՈՋ ԱՂՔԱՏԻՆ.

Արք երկու էին քաղաքի միում, մինն մեծատուն եւ միւսն աղքատ: Եւ մեծատունն էին հօտք եւ անդեպք բաղում յոյժ: Եւ աղքատին եւ ոչինչ, բայց որով մի փոքր. եւ որովն հատատեալ էր ընդ որդիս նորա ի միասին. ի հացէ նորա ուտէր. եւ ի բաժակէ նորա ըմպէր. եւ ի ծոց նորա ննջէր. եւ էր նորա իբրեւ զդուստր: Եւ եկն անցաւոր առ այրն մեծատուն. եւ խը նայեաց մեծատունն առնուլ ի հօտից իւրոց եւ յանդէոց իւրոց. եւ էառ զորով աղքատին եւ արար առնն եկելոյ կերակուր:

ԺԶ. ԱՂՔԱՏՆ.

Աղքատն ի տօթոյ տապանայ. ի ցրտոյ դողայ. որովայնն սին եւ մարմինն մերկանդամ. հերքըն թաղկեալք, դէմքն դեղնեալ եւ թոշոմեալ. եւ ամենայն մարմինքն գգուաղեալք եւ երկթացեալք. թափառի, վարանի եւ ի դուրս երերեալ եւ դադարեալ կառանչէ. եւ խանդաղատելի ողորմուկս արկանէ. եւ սուղ ինչ կերակուր բազում աշխատութեամբ գտանէ. եւ երկիւղիւ ի գրունս, երկիւղիւ ի գաւիթս, երկիւղիւ ի տունսն մտանէ: Ի տունսն յանասնոցն երկնչի. զի ձիքն կիցք հանեն, եզինքն եղջիւր ածեն, շունքն վերաուորեն եւ մարդք չարք եւ անողորմք բամբասեն եւ թշնամանեն:

ԺԷ. ՊԱՏԿԱՄՔ ԱՍՏՈՒԱԾԱՅԻՆՔ.

Խնդրեցէք եւ տացի ձեզ. հայցեցէք եւ գրուջիք. բախեցէք եւ բացցի ձեզ: Տուք փոխ ուստի ոչ ալն ունիցիք առնուլ: Զամենայն զայրի եւ զորք մի չարչարիցէք: Դիւրին է մալխոյ ընդ ծակ ասղան անցանել քան մեծատան յարքայութիւն Աստուծոյ մօտանել:

ԺԸ. ԹԶԵՆԻՆ ԱՆՊՏՈՒՂ.

Թզենի մի էր ուրումն տնկեալ յայգւոջ իւրում. եւ եկն խնդրել պտուղ ի նմա. եւ ոչ եգիտ. ասէ ցայգեգործն. Ահա երեք ամբ են, յորմէ հետէ գամ խնդրել պտուղ ի թզենւոջ եւ ոչ գտանեմ. արդ կտրեա՞ զդա. ընդէ՞ր եւ զերկիրդ խափանէ: Նա պատասխանի ետ եւ ասէ. Տէ՛ր, թող զդա այս ամ եւս, մինչեւ շուրջ զգո՞վաւ բրեցից եւ արկից աղբ. թերեւս արասցէ պտուղ. ապա թէ ոչ՝ յամէ եւս հատցես զդա:

ԺԹ. ԶԱՆԱՍԻՐՈՒԹԻՒՆ.

Երթ առ մըջիւնն եւ նախանձեաց ընդ ճանապարհս նորա. լեր իմաստնագոյն եւս քան զնա. զի նորա ոչ գոյ երկրագործութիւն եւ ոչ հարկագիր. եւ պատրաստէ յամարայնոյ զկիրակուր եւ բազում համբարս դնէ: Մինչեւ յե՞րբ անկեալ կաս, ո՞վ վատ, կամ ե՞րբ ի քնոյ զարթիցես: Փոքր մի ննջիցես, փոքր մի նստիցիս, փոքր մի նիրհեսցես, փոքր մի հանգուցանիցես զձեռս քո ի վերայ լանջաց քոց, ապա այնուհետեւ հասանիցի քեզ իբրեւ զչար ճանապարհորդ աղքատութիւն, եւ կարօտութիւն իբրեւ զժիր սուրհանդակ: Ապա եթէ անգաղաղ լինիցիս, եկեսցէ իբրեւ զաղբիւր ամառն քո, եւ կարօտութիւն իբրեւ զայր մի չար ինքնասալած լինիցի:

Ի. ԱՌ ՄԵՂՈՒ.

Թէ քաղցր ասես, մեղուդ գործուն,
Զիմ երեկեան մարդ ազազուն,
Արդ փունջ առատ կապեմ զարդիս,
Արածել անդ երբ եւ հաճիս:

Մինչդեռ աջող է եղանակ,
Մեղը ամբարեան ի քուդ փեթակ.
Ոչ միշտ գարուն, ոչ միշտ աշուն,
Զմեռն գալ քեզ սառնատուն:

Գործեան, մեղուդ, դու ինձ անհատ,
Ի մեղը ի մոմ բլրճիճ առատ.
Զի ի Սաղիմ յորժամ երթալց,
Ի սուրբ տաճար նուէր տարալց:

ԻԱ. ԱՆԾԵՂ.

Սովորաբար անձեղ յանտառս միշտ ազա-
ղակէ, մանաւանդ ի տեսանել զոք ի կենդանեաց:
Եւ ի հարցանել ձագոյն՝ ասէ. «Զի թշնամիք
միշտ արթուն զիս տեսցեն, եւ մի՞ յորո ինչ
մտարերիցեն:

ԻԲ. ՊԱՏԱՐԱԳՆ ԱՐԱՆԱՄՈՒ.

1. Փորձեաց Աստուած զԱբրահամ եւ ասէ
ցնա. Աբրահամ, Աբրահամ. եւ նա ասէ. Աւա-
սիկ եմ: Եւ ասէ ցնա. Ա՛ռ դու զորդիդ քո սի-
րելի, զոր սիրեցեր, զԻսահակ եւ գնա՛ դու յեր-
կիր բարձր. եւ հանցես զգա անդ յողջակէզ ի
վերայ միոյ լերանց, յորոց ասացից քեզ:

2. Եւ յարեաւ Աբրահամ ընդ առաւօտն.
Համետեաց զէշ իւր. եւ առ ընդ իւր երկուս
ծառայս եւ զԻսահակ զորդի իւր. եւ պատա-
ռեաց փայտ յողջակէզ. եւ յարեաւ գնաց. եւ
եկն ի տեղին, զոր ասաց նմա Աստուած. եւ
յաւուրն երրորդի համբարձ Աբրահամ զաչս իւր
եւ ետես զտեղին ի հեռաստանէ: Եւ ասէ Աբ-
րահամ ցպատանիս իւր. Նստարո՛ւք դուք այդր
հանդերձ իշուդ. եւ ես եւ պատանեակդ երթի-
ցուք մինչեւ ցանդր եւ երկիր պագցուք եւ դարձ-
ցուք առ ձեզ:

3. Եւ առ Աբրահամ զփայտ ողջակիղին.
եւ եդ ի վերայ Իսահակայ որդւոյ իւրոյ. եւ առ
ի ձեռն զսուրն եւ զհուրն. եւ գնացին երկօրեան
ի միասին: Եւ ասէ Իսահակ յԱբրահամ հայր իւր.
Հայր. եւ նա ասէ. Զի՞ է, որդեակ. եւ նա ասէ.
Ահա՛ հուր եւ ահա՛ փայտ. ո՛ր է ոչխար յող-
ջակէզ. եւ նա ասէ. Աստուած տեսցէ իւր ոչ-
խար յողջակէզ, որդեակ: Գնացին երկօրեան ի
միասին. եւ եկին ի տեղին, զոր ասաց նմա Աս-

տուած: Անդ շինեաց սեղան Աբրահամ: եւ եդ
ի վերայ զփայտն. եւ կապեաց զԻսահակ զորդի
իւր. եւ եդ զնա ի սեղան ի վերայ փայտին. եւ
ձգեաց Աբրահամ զձեռն առնուլ զսուրն եւ զե-
նուլ զորդին իւր:

Է. եւ կոչեաց զնա հրեշտակ Տեառն յերկ-
նից եւ ասէ. Աբրահամ, Աբրահամ. եւ նա ասէ
ցնա. Աւասիկ եմ. եւ ասէ. Մի՛ մխեր զձեռն քո
ի պատանեակդ եւ մի՛ ինչ առներ դմա. զի այժմ
գիտացի, թէ երկիւղած ես դու յԱստուծոյ եւ
ոչ խնայեցեր յորդիգ քո սիրելի վասն իմ: Համ-
բարձ Աբրահամ զաչս իւր եւ ետես եւ ահա՛
խոյ մի կախեալ կայր զծառոյն Սաբեկայ զեղ-
ջերաց: Եւ գնաց Աբրահամ, առ զխոյն եւ եհան
զնա յողջակէզ փոխանակ Իսահակայ որդւոյ իւրոյ:

ԻԳ. ԲԱՆՔ ՓՐԿՁԻՆ.

Սիրեցէք զթշնամիս ձեր. բարի արարէք ա-
տելեաց ձերոց. օրհնեցէք զանիծիչս ձեր. աղօթս
արարէք ի վերայ նեղչաց ձերոց: Որպէս կամիք
թէ արասցեն ձեզ մարգիկ, այնպէս արասջիք
եւ դուք նոցա: Նոյին չափով, որով չափէք, չա-
փեսցի ձեզ: Հան նախ զգերանդ յականէ քում-
մէ եւ ապա հայեսջիր հանել զշիւղ յականէ եղ-
բօր քոյ: Զիք ինչ ծածուկ, որ ոչ յայտ լիցի. եւ
գազտնի, որ ոչ ծանիցի: Ծառ ի պտղոյ իւրմէ
ճանաչի: Զէ մարգարէ ընդունելի ի քաղաքի իւ-

րում: Ոչէ աշակերտ լաւ քան զվարդապետ իւր:
Ոչ ի փշոց քաղեն թուղ եւ ոչ ի մորենոյ կթեն
խաղող: Ի յաւելուածոյ սրտին խօսի բերան:
Ուր գանձն ձեր է, անդ եւ սիրտք ձեր եղիցին:

ԻԳ. ԱՌԵՂԾՈՒՍԾ Ի ՅՈՎՆԱՆ.

Առանց քայլելոյ
Ընթացաւ ի ծով,
Եւ չունէր նաւակ.

Անողող ի ջրոյ
Թաղեցաւ ընդ ջրով
Ի ծովուն յատակ.

Զուրկ էր նա յօգոյ,
Մեռեալ ոչ գոլով,
Եւ չնչէր յստակ.

Ո՞վ իցէ այս մարդ,
Ասա՛ դու ինձ արդ
Եւ առասպելիս
Իմ գիտակ լինիս:

ԻԵ. ՅՈՎՍԷՓ ԳԵՂԵՑԻԿ.

1. Իսրայել սիրէր զՅովսէփ առաւել քան
զամենայն որդիսն իւր. եւ արար նմա պատմու-

ճան ծաղկեայ: Իբրեւ տեսին եղբարքն նորա թէ սիրէ զնա հայրն քան զամենայն որդիս իւր՝ ատեցին զնա. եւ ոչ կարէին խօսել ինչ ընդ նմա խաղաղութեամբ: Եւ ետես երազ Յովսէփ. եւ պատմեաց եղբարց իւրոց. եւ ասէ ցնոսա. «Լըւարուք զերազն զոր տեսի. թուէր եթէ որայ կապէաք ի դաշտի միում. եւ կանգնեցաւ որայն իմ, եկաց ուղղորդ. եւ դարձան որայքն ձեր եւ պագին երկիր իմում որայոյն»:

2. Եւ ասեն ցնա եղբարքն իւր. «միթէ թագաւորելով թագաւորեսցես ի վերայ մեր, կամ տիրելով տիրեսցեն մեզ:» Եւ յաւելին եւս ասել զնա վասն երազոցն նորա եւ վասն բանիցն նորա: Եւ ետես միւս եւս երազ. եւ պատմեաց հօր իւրում եւ եղբարց իւրոց. եւ ասէ. «ահա տեսանէի միւս եւս այլ երազ, որպէս թէ արեգակնդ եւ լուսին եւ մետասան աստեղք երկիր պագանէին ինձ:» Սաստեաց նմա հայրն իւր եւ ասէ. «զի՞նչ է երազն զոր տեսեր. արդ գալով գայցեմք ես եւ մայր քո եւ եղբարք քո եւ երկիր պագանիցեմք քեզ:» Եւ նախանձեցան ընդ նմա եղբարքն իւր, բայց հայրն պահէր զբանսն:

3. Եւ գնացին եղբարք նորա արածել զխաշինս հօրն իւրեանց: Եւ ասէ Իսրայէլ ցնովսէփ. «ոչ աւասիկ եղբարք քո արածեն զխաշինսն. եկ առաքեցից զքեզ առ նոսա. երթ, տես եթէ ողջ իցեն եղբարքն քո եւ խաշինք. եւ բեր ինձ զրոյց:» Եւ առաքեաց զնա. տեսին զնա եղբարքն

յառաջագոյն ի հեռաստանէ. եւ ասեն իւրաքանչիւր ցեղբայր իւր. «ահա երազատեսն գայ. եկ այք սպանցուք զնա եւ ընկեսցուք ի մի ի գբոց ատտի. եւ ասացուք եթէ գաղան չար եկեր զնա, եւ տեսցուք զի՞նչ լինիցին երազքն նորա»:

4. Եւ եղեւ իբրեւ եկն Յովսէփ առ եղբարքն իւր, մերկացին զպատմութեանն նորա ծաղկեայ ի նմանէ եւ առին ընկեցին զնա ի գութ մի. եւ նստան ուտել զհացն: Զայս ի վեր բարձեալ տեսին, եւ ահա ճանապարհորդք գային. եւ ասէ Յուդա ցեղբարսն իւր. «զի՞նչ օգուտ է, եթէ ոպանանիցեմք զեղբայրն մեր, եւ թագուցանիցեմք զարիւն նորա. եկայք վաճառեսցուք զնա. եւ ձգեցին հանին զՅովսէփ ի գբոյ անտի եւ վաճառեցին զՅովսէփ քսան գահեկանի. եւ իջուցին զՅովսէփ յեգիպտոս:

5. Եւ առեալ զպատմութեանն Յովսէփայ՝ զեւին ուլ այծեաց եւ թաթաւեցին զպատմութեանն յարեսն. եւ առաքեցին զպատմութեանն ծաղկեայ տանել առ հայրն իւրեանց եւ ասեն. «զայդ գրտաք. ծանիր եթէ որդւոյ քո իցէ պատմութեանդ»: Եւ ծանեաւ զնա եւ ասէ. «պատմութեանս որդւոյ իմոյ է. գաղան չար եկեր զնա. գաղան յափշտակեաց զՅովսէփ»: Եւ պատուեաց զհանգերձս իւր եւ քուրձ զգեցաւ ի վերայ միջոյ իւրոյ. եւ սուգ առնէր ի վերայ որդւոյն իւրոյ աւուրս բազումս:

ԻԶ. ՍԵՐՄԱՆԱՀԱՆ.

Ահա ահա ել սերմանող սերմանել. եղեւ ի սերմանելն ոմն անկաւ առ ճանապարհաւ. եկն թռչունն եւ եկեր զնա: Եւ այլն անկաւ յապառափի, ուր ոչ գոյր հող բաղում, եւ վաղվաղակի բուսաւ. քանզի ոչ գոյր հիւթ երկրին. եւ յորժամ ծագեաց արեւ, ջնաւ. եւ զի ոչ գոյին արմատք, զամաքեցաւ: Եւ այլն անկաւ ի մէջ փշոց. ելին փուշքն եւ հեղձուցին զնա. եւ պրտուղ ոչ ետ: Եւ այլն անկաւ յերկիր բարւոք. եւ ելեալ աճեցեալ տայր պտուղ. եւ բերէր ընդ միոյ երեսուն եւ ընդ միոյ վաթսուն եւ ընդ միոյ հարիւր:

ԻԷ. ՈՒՆԱՅՆՈՒԹԻՒՆ.

Ծաղկի գարուն քաղցր ի կանաչ.
Սահին առուակք քաղցրակարկաչ.
Երգէ սոխակ զիւրն աւազ,
Յայտնել զսէր իւր և զհառաչ:

Փլթթին և վարդք ալգուն վաղքաջ,
Զորով արեւ տալ զիւր պաղաւջ.
Բայց մինչև երբ զնան յառաջ.
Թօշնի և վարդ, թօշնի կանաչ:

Ամենայն ինչ ունի աւարտ,
Ժամանակաւ զնալ յաղարտ.
Եւ քոյդ, անձն իմ, իղձ տարապարտ,
Ընդ նոյն սևեալ և քոյին քարտ:

ԻԸ. ԱՆԿՈՒՄՆ ԵՐՈՒՍԱՂԵՄԻ.

Զիւրդ զատաւ նստաւ մենացեալ քաղաքն բազմաժողով. եւ եղեւ իբրեւ այրի լցեալ տըրտմութեամբ: Իշխան աշխարհին եղեւ հարկատու: Սուգ առին ճանապարհք Սիօնի. ամենայն դրունք նորա եղեն յապականութիւն. եւ քահանայք նորա հաշին եւ հառաչեն եւ յոգւոց ելանեն. կուսանք նորա ի գերութիւն վարեցան: Եւ եղեն գերիչք նորա ի գլուխ եւ թշնամիք նորա յուրախութիւն: Տղայք նոցա վարեցան ի գերութիւն. թխացան քան զածուխ տեսիլք իւրեանց եւ ոչ ոք ճանաչէր զնոսա. մածեալ էր մորթ յոսկերս նոցա. բրտացան նոքա եւ եղեն իբրեւ զփայտ չորացեալ. կցեցան լեզուք դիացիկ մանկանց ի քիմն իւրեանց ի ծարաւոյ իւրեանց. աղայք զհաց խնդրէին եւ ոչ ոք էր, որ բերէր նոցա:

ԻԹ. ԲԱՐԿՈՒԹԻՒՆ.

Բարկութիւն զարիւնն եռացուցանէ, զմարմինն դողացուցանէ, զաչսն այլաբուռնէ, զգոյնն

չըջէ. եւ ամենեւեմ զմարդն վայրենի ցուցանէ եւ տայ աղաղակել բազում մորոսախօսութեամբ: Ոչ զեղբ մահաբերք եւ ոչ հարուածք կարճի նման են հարուածոց բարկութեան. ոչ հատումն սրոյ եւ ոչ այրեցուած հրոյ կսկծեցուցանեն առաւել քան զբարկացողացն: Յորժամ միանգամ զխորհուրդս մարդոյ ըմբռնէ անօրէն ախտն բարկութեան, յափշտակէ զմիտսն ի նմանէ եւ գաղանացուցանէ: Ոչ ամօթ եղբարցն, ոչ խրատ վարդապետաց, ոչ հրամանք պատուիրանաց զնա ոչ պատկառեցուցանեն ի զեղջ եւ յապաշաւ:

Լ. ԴԱՆԻԷԼ ՄԱՐԳԱՐԷ.

1. Բաղդասար արքայ արար ընթրիս մեծամեծաց իւրոց. իբրեւ ընդ գլինիս եմուտ, հրամայեաց բերել զսպասս արծաթոյ եւ զօսկւոյ, զոր եհան Նաբուգոդոնոսոր հայր Նորա ի տաճարէն, որ յԵրուսաղէմ, զի արքային նոքօք թագաւորն եւ մեծամեծք իւր: Բմպէին նոքօք զգինի եւ օրհնէին զաստուածս զսկեղէնս եւ զպղնձիս եւ զերկաթիս եւ զփայտեղէնս եւ
2. զբարեղէնս: Ի նմին ժամու ելին մատուներ ձեռին մարդոյ եւ գրէին հանդէպ գնդին ի վերայ բաւոյ որմոյ տաճարի թագաւորին: Եւ թագաւորն տեսանէր զթաթ ձեռինն, որ գրէր: Յայնժամ հատան գոյնք թագաւորին եւ խորհուրդք նորա խռովէին զնա եւ յօդք

- միջոյ նորա լուծանէին եւ ծունկը նորա զմի-
3. մեանս բաբախէին: Եւ աղաղակեաց թագաւորն զօրութեամբ՝ ածել զմագս եւ զքաղդեայս եւ զգէտոս: Եւ ասէ ցիմաստունսն Բաբելացւոց. Որ ընթերցցի զգիրդ զայդ եւ զմեկնութիւն գորա ցուցցէ ինձ, ծիրանիս զգեցցի եւ մանեակ ոսկի ի պարանոց իւր եւ երրորդ ի թա-
 4. գաւորութեան իմում տիրեսցէ: Եւ մտանէին ամենայն իմաստունք թագաւորին եւ ոչ կարէին զգիրն ընթեռնուլ եւ ոչ զմեկնութիւն նորա ցուցանել թագաւորին: Եւ արքայ Բաղդասար խռովեցաւ եւ գոյն երեսաց նորա շըրջեցաւ. խռովեցան եւ մեծամեծք նորա ընդ-
 5. նմա: Եւ եմուտ տիկինն ի տաճար ուրախութեանն եւ ասէ. Արքայ, յաւիտեան կեանց. մի խռովեցուցեն զքեզ խորհուրդք քո եւ գոյն երեսաց քոց մի եղծցի: Զի է այր մի ի թագաւորութեան քում. եւ արքայ Նաբուգոդոնոսոր հայր քո իշխան կացոյց զնա ի վերայ գիտաց եւ մոգուց եւ քաղդեայց եւ ըղձից: Մեկնէ երազս եւ պատմէ զառակս եւ լուծանէ զիրս կապեալս—Դանիէլ: Եւ արքայ Բաղդասար անուն եդ նմա. Արդ կոչեսցի եւ զմեկ-
 6. նութիւն գորա պատմեսցէ: Յայնժամ ածին ի ներքս զԴանիէլ առաջի թագաւորին: Եւ ասէ թագաւորն ցԴանիէլ. «Լուայ զքէն թէ հոգի Աստուծոյ է ի քեզ. եւ արդ առաջիկ մտին առաջի իմ իմաստունք եւ մոգք եւ իղձք,

զի զգիրդ զայդ ընթեռնուցուն եւ զմեկնութիւնն դորա ցուցցեն ինձ. եւ ոչ կարացին պատմել ինձ. եւ ես լուայ զքէն թէ կարող ես մեկնել մեկնութիւնս. եւ արդ եթէ կարիցես զգիրդ ընթեռնուլ եւ զմեկնութիւնն դորա ցուցանել ինձ, ծիրանիս զգեցցիս եւ մանեակ ոսկի ի պարանոցի քում եւ երրորդ ի թագաւորութեան իմում տիրեսցես: Եւ ասէ Դանիէլ առաջի թագաւորին. Պարգեւք քո քեզ լիցին եւ զպատիւ տան քո այլում տո՛ւր. բայց զգիրդ ես ընթերցայց եւ զմեկնութիւնն դորա ցուցից քեզ: Ա՛րքայ, Աստուած Բարձրեալ զմեծութիւնն եւ թագաւորութիւնն եւ զպատիւն եւ զփառս ետ Նաբուգոդոնոսորայ Տօր քում: ամենայն ազգք եւ ազիւնք եւ լեզուք զարհուրեալք զողային յերեսաց նորա. զորս կամէր, հարկանէր, զորս կամէր, սպանանէր. եւ զորս կամէր ինքն, բարձրացուցանէր. եւ 8. զորս կամէր ինքն, խոնարհեցուցանէր: Եւ յորժամ բարձրացաւ սիրտ նորա, անկաւ յաթոռոյ թագաւորութեան իւրոյ. եւ պատիւն բարձաւ ի նմանէ, մինչեւ ծանեալ թէ տիրէ Բարձրեալն թագաւորութեան մարդկան: Եւ արդ գու որդի նորա Բաղդասար ընդդէմ Աստուծոյ երկնից հպարտացար. եւ զսպասս տան նորա բերին առաջի քո. եւ դու եւ մեծամեծք քո ըմպէիք նորօք զգինի. եւ զաստուածս, որք ոչ տեսանեն եւ ոչ լսեն եւ ոչ իմանան, օրհ-

9. նէիք: Վասն այնորիկ առաքեցաւ թաթ ձեռինն եւ զգիրդ զայդ գրեաց: Եւ այս ինչ է գիրդ որ գրեալ է. Մանէ, Թէկէզ, Փարէս: Եւ այս է մեկնութիւնն բանիդ. մանէ՝ չափեաց Աստուած թագաւորութիւնն քո. թէկէզ՝ կըռռեցաւ ի կշիռս եւ գտաւ պակասեալ. փարէս՝ բաժանեցաւ թագաւորութիւնն քո եւ տուաւ Մարաց եւ Պարսից:

ԼԱ. ԳԱՐՈՒՆ.

Սիրեցեալք եմ, էանց հիւսիս,
Զքէս յամեմք աստ ի սարիս,
Բանան ահա, տես, գրունք գարնան,
Բարիք ամէն ընդ նոյն դառնան:

Ոչ տեսանես զդաշտ գալար.
Զքէ ոչ թողուս զտաղաւար.
Արտաքս ահա ոստնու մշակ,
Յողջոյն ծիծռան գարնան գուշակ:

Զարգեւական հօտ իւր հովիւ
Տայ մակաղել առ հեշտ առուիւ.
Հնչեն անձաւք, անտառք, լերինք
Եւ արձագանգք քաղցր ի սրինք:

Քաջն արտավար կազմէ զխոփ,
Առ հիւսսի շունչ ոչ սրտատրոփ,

Զկորդացեալ փշրէ զբունծ,
Հարթեալ ի ցան և յառատ հունձ:
Հնչեն մայրիք հովանախիտ
Ի խոխոջմանց ականակիտ.
Զարդարին թուփք, ծառք ի սաղարթ,
Եւ ազգք հաւուց ճճուեն զուարթ:

ԼԲ. ԵՐԿԻՐ Ի ՓՈՓՈՒՆՅ.

Զբոյն մըջեան արջ փորէր. եւ լեզուաւ Ժո-
ղովէր եւ ուտէր. եւ հնարի մըջիւն սատակել
զնա. երթեալ առ պիծակ եւ գոռելս եւ մթելս
եւ շանաճանճ եւ բրէտ եւ առ նմանք սոցին
եւ աղաչէ օգնել իրր սղգայինք. ցաւակցեն.
Հարկանեն զաչս եւ զլսելիս արջուն. եւ հարկա-
նէ գլուխ զբարի. եւ նեխի. եւ որդունք եւս
ծնանին. եւ ի սաստկութենէ ցաւոց՝ զբերան
բացեալ գոչէր. եւ նոցա մտեալ յորովայնն՝ խո
ցոտեն զաղիսն. եւ նեղեալ զիմէ ի հոսանս
ջրոյ. եւ անչափ ի ներքս մտեալ հեղձանի:

ԼԳ. ԱՄԱՌՆ.

Հովանաւոր ընդ ծառով,
Շուրջ պարուրեալ ի յոստոց,
Հանգչիմ, ուր սիւք շնչէ զով
Տերեակոյտ ի բազմոց:

Սաղարթագեղ մայրեաց ծառք
Տատանին մեղմ ի գեփիւռ,
Եւ ծածանին դաշտավայրք,
Ի շէկ ցորեան համասփիւռ:
~~~~~  
ԼԴ. ԲՈՒ ԵՒ ԱՐԾԻԻ.

Բու հրեշտակ առաքեաց առ արծիւ. եւ  
խնդրեաց զբուսոր նորա հարսն, ասելով.  
«Դու տունջեան քաջամարտիկ ես եւ ես գի-  
շերոյ. պատշաճիմք ի խնամութիւն»:  
Եւ յետ բազում թախանձանաց յանձն առ տալ: Եւ ի  
լինել հարսանեացն ի տուէ լոյս ոչ կարէր տե-  
սանել փեսայն. եւ ծաղր առնէին բազմեալքն.  
Եւ իբրեւ եղեւ գիշեր՝ եւ ոչ հարսն ետես լոյս.  
յաճախեաց եւ անդ այլանումն. եւ վասն այ-  
սորիկ փութով լուծաւ հարսանիքն:

Զմիտս իւր առակս նմանեցուցանէ այնոցիկ,  
որ զգտտերս իւրեանց յամուսնութիւն տան այ-  
լասեւից. ուստի եւ ոչ է միաբանութիւն:

ԼԵ. ՈՒԽՏ ՅԵՓԹԱՅԵԱՅ.

1. Եւ ուխտեաց Յեփթայէ ուխտս Տեառն  
եւ ասէ. Եթէ մատնելով մատնեսցէ զօրդիս Ա-  
մոնայ ի ձեռս իմ եւ եղիցի, որ ելանելով ելա-  
նիցէ ի դրանց տան իմոյ ընդառաջ իմ ի դառ-

նալն իմում խաղաղութեամբ յորդուցն Ամոնայ,  
եղիցի, զի մատուցից զնա Տեառն յողջակէզ: Եւ  
անց Յելիթայէ առ որդիսն Ամոնայ պատերազ-  
մել ընդ նոսա. եւ մատնեաց զնոսա Տէր ի ձեռս  
նորա. եւ եհար զնոսա հարուածս մեծամեծս  
յոյժ. եւ վանեցան որդիքն Ամոնայ յերեսաց  
որդուց Իսրայէլի:

2. Եւ եկն Յելիթայէ ի տուն իւր. եւ ահա  
գուտոր իւր ելանէր ընդ առաջ նորա թմբկօք  
եւ պարուք. եւ նա էր միամօր սիրելի նորա. եւ  
ոչ գոյր նորա բաց ի նմանէ ուտոր կամ գուտոր:  
Եւ եղեւ իրրեւ ետես զնա, պատառեաց զհան-  
դերձս իւր եւ ասէ. Վա՛յ է ինձ, գուտոր իմ,  
ընկճեցեր զիս. խօջընդակն հղեր ինձ, զի ես բա-  
ցի զբերան իմ վասն քո առ Տէր. եւ ոչ կարա-  
ցից դարձուցանել: Եւ ասէ ցնա. Եթէ վասն  
իմ բացեր զբերան քո առ Տէր, արա՛ զիս, որ-  
պէս ել ի բերանոյ քումմէ. փոխանակի արար  
քեզ Տէր վրէժխնդրութիւն ի թշնամեաց քոց:

3. Եւ ասէ ցհայր իւր. Արա՛ ինձ զբանս  
զայս. Թողացո՛ ինձ զերկուս ամիսս եւ երթայց  
շրջեցայց ընդ լերինս եւ լացից զկուսութիւնս  
իմ—եւ եւ ընկերք իմ: Եւ ասէ ցնա. Ե՛րթ. եւ  
արձակեաց զնա զերկուս ամիսս. եւ չոգաւ ինքն  
եւ ընկերք իւր եւ ելաց զկուսութիւն իւր ի վե-  
րայ լերանց: Եւ եղեւ յետ կատարելոյ երկուց  
ամսոցն՝ դարձաւ առ հայր իւր. եւ արար նո-  
վաւ զուխտն, զոր ուխտեաց:

ԼԶ. Ի ՄԱՀ ՍՈՒԱԿԻՆ.

Ա՛չք գեղեցիկ ցօղագին  
Լացէք զմահ սոխակին.  
Շողշողուն աչք աստեղաց,  
Զսոխակին առէք լաց:

Շիջաւ աչացս իմ արեւ,  
Կեանքն ապաշաւ ինձ եղև.  
Արդ ես զլալ հարկանեմ,  
Զալլ ջալլեմանց սուգ նսեմ:

Ա՛չք գեղեցիկ ցօղագին  
Լացէք զմահ սոխակին.  
Ա՛չք լուսալիւր աստեղաց,  
Զսոխակին հարէք լաց:

ԼԷ. Ի ՄԱՍՏՈՒՆ ԿՈՒՍԱՆՔ.

1. Նմանեսցի արքայութիւն երկնից տասն  
կուսանաց, որոց առեալ զլապտերս իւրեանց՝ ե-  
լին ընդառաջ փեսային եւ հարսին: Հինգն ի  
նոցանէ յիմարք էին եւ հինգն իմաստունք: Յի-  
մարքն առին զլապտերսն եւ ձէթ ընդ իւրեանս  
ոչ բարձին: Իսկ իմաստունքն առին ձէթ տմա-  
նովք ընդ լապտերս իւրեանց: Եւ ի յամել փե-  
սային, նիրհեցին ամենեքեան եւ ի քուն մոխն:  
2. Եւ ի մէջ գիշերի եղեւ բարբառ. Ահա՛

փեսայ գայ, արի՛ք ընդառաջ նորա: Յայնժամ  
յարեան ամենայն կուսանքն եւ կազմեցին զլապ-  
տերս իւրեանց: Ասեն յիմարքն յիմաստունսն. Տո՛ւք  
մեզ յիւղոյդ ձերմէ, զի ահա շիջանին լապտերքս  
մեր: Պատասխանի ետուն իմաստունքն եւ ասեն.  
Գուցէ ոչ իցէ մեզ եւ ձեզ բաւական, այլ երթա՛յք  
ի վաճառականս եւ գնես՛ր ձեզ:

3. Իբրեւ նոքա գնացին գնել, եկն փեսայն  
եւ պատրաստքն մտին ընդ նմա ի հարսանիսն.  
եւ փակեցաւ դուռնն: Յետոյ գան եւ այլ կուսանքն  
եւ ասեն. Տէ՛ր Տէ՛ր, բաց մեզ. նա պատասխանի ետ  
եւ ասէ. Ամէն ասեմ ձեզ, թէ ոչ գիտեմ զձեզ:

ԼԸ. ԵՂԱՆԱԿԻ.

Նաժիշտք արփւոյն չորեքին,  
Որ իշխեցողք են տարւոյն.  
Մին որ ի ճեճ իւր ոտին  
Պճնէ զարօտ երփն ի գոյն,  
Երկրորդն ի շող բոցակէզ,  
Միւսն ողկուզովք սիգաճեմ,  
Չորրորդն ի ձեանց բազմեալ դէզ  
Տալին միմեանց վէճ ընդդէմ:

Նորափետուր մին ինեւ,  
Ասէր, երկիր զարդարի,  
Միւսն այն թէ զհասկ ոսկեձեւ  
Ես ներկանեմ ի վայրի.  
Նախանձընդդէմ երկոցուն

Անդուտ եւ միւսն պանծալր  
Գոլ լուսատու ձիթենւոյն  
Եւ զուարթարար որթոյն մայր:

Չորրորդն յայնժամ դաշն եւ հեղ  
Ձայնեալ առ քորս իւր, ասէր.  
Թո՛ղ արմտիք կացցեն ձեզ  
Ծաղկունք եւ կութք այգեբեր.  
Այլ Տէրն ի գալ իւր յաշխարհ  
Առ ի ծնանել տղայաբար  
Նախամեծար զարհամարհ  
Սառամանիսն իմ արար:

ԼԹ. ԲԱՆԻ ԴԱԽՆԻ ԻՄԱՍՏԱՍԻՐԱՅ.

Ինչս պարտ է ստանալ վասն բարեկամաց.  
Եւ ոչ բարեկամ վասն ընչից: Յանդգամաց մի  
ստանար լարեկամ, զի մի եւ դու անդգամ  
կոչեսցիս: Ոչ կարես բարեկամ ճշմարիտ ստանալ,  
մինչեւ զչարն ոչ հալածեսցես: Որք հղբարս ու-  
նին եւ սիրելիս խնդրեն, նման են, որք զիւ-  
րեանց անդաստանն թողեալ զօտարին գործեն:  
Յաճախեա՛ իօրհել նախ քան զառնելն: Թէ ընդ  
իշխանութեամբ լինել ոչ ուսար, իշխան լինել  
մի համարձակի՛ր: Զհոգի մահ ոչ կորուսանէ,  
այլ անմաքուր կեանք: Ոչ է պարտ ընտրել, որ ի  
մեծամեծ քաղաքաց իցեն, այլ որ մեծք ի քաղա-

քաց ելանիցեն: Զոր հանդերձեալ իցես առնել՝ մի ասիցես, գուցէ ի չկարելն՝ ծաղր լինիցիս: Լաւ է լռել քան ունայն ինչ խօսել: Նիթ մի իմաստից լաւ է ինձ եւ ոչ ծովակս բազդից: Ի վերայ շոգմոգաց որպէս ի վերայ գերեզմանաց անուն մարդոյ միայն գրեալ է: Այնպէս լեր առ ծնողս քո, որպէս կամիս լինել առ քեզ զորդիս քո: Որպիսի հաս մատուցանես ծնողացն քոց, զնոյն ի ծերութեան քում՝ ընկալցիս յորդուոց քոց: Ընդ որդիս մի ծիծաղեսցիս, զի մի յետոյ լացցես զնոսա:

Խ. ԽԱՁԵԼՈՒԹԻՒՆ ՏԵԱՌՆ.

1. Եւ ետուն նմա ըմպել զինի ընդ լեզի խառնեալ: Եւ իբրեւ ճաշակեաց, ոչ կամէր ըմպել: Եւ հանեալ զնա ի խաչ, բաժանեցին զհանգերձս նորա վիճակաւ. զի լցցի բանն, որ ասացաւ ի մարգարէէն. Բաժանեցին զհանգերձս իմ՝ յիւրեանս եւ ի վերայ պատմութեանի իմոյ վիճակս արկանէին եւ նստեալ պահէին զնա: Եւ եղին ի վերայ գլխոյ նորա գրեալ զվնաս նորա, թէ այս է Յիսուս Թագաւոր Հրէից: Յայնժամ հանին ընդ նմա ի խաչ երկուս աւաղակըս, մի յաջմէ եւ մի յահեկէ: Եւ որ անցանէինն, հայհոյէին զնա. շարժէին զգլուխս իւրեանց եւ ասէին. Վա՛հ որ քակէիր զտաճարըն եւ զերիս աւուրս շինէիր զնա, ապրե-

- ցս՝ զքեզ, եթէ որդի ես Աստուծոյ, էջ ի խաչէդ: Նոյնպէս եւ քահանայապետքն ձաղէին հանգերձ դպրօքն եւ ասէին. Զայս ապրեցոյց, զինքն ոչ կարէ ապրեցուցանել. եթէ Թագաւոր է Իսրայէլի, իջցէ այժմ ի խաչէդ եւ հաւատասցուր դմա: Եթէ յուսացաւ յԱստուած, փրկեսցէ այժմ՝ զդա, եթէ կամի զդա.
3. Քանզի ասաց, եթէ Աստուծոյ որդի եմ: Զնոյն եւ աւաղակքն, որ խաչեալ էին ընդ նմա, նախատէին զնա: Եւ ի վեց ժամէ աւուրն խաւար եղեւ ի վերայ ամենայն երկրի մինչեւ ցինն ժամն: Եւ զինն ժամաւն գոչեաց Յիսուս ի ձայն մեծ եւ ասէ. Ելի՛ Ելի՛ լամա սաբաթանի. այսինքն է Աստուած իմ, Աստուած իմ, ընդէ՛ր թողեր զիս: Ոմանք յայնցանէ, որ անգէն կային, իբրեւ լուան, ասէին. յեղիա կարդայ դա: Եւ վաղվաղակի ընթացաւ մի ոմն ի նոցանէ, առ սպունգ լի քացախով, հարեալ յեղեգան՝ ետ ըմպել նմա: Եւ կէսքն ասէին.
  4. Թո՛ղ տեսցա՛ք, եթէ գա՛յ Նզիա փրկել զդա: Եւ Յիսուս դարձեալ աղաղակեաց ի ձայն մեծ եւ արձակեաց զհոգին: Եւ ահա՛ վարագոյր տաճարին ցեւաւ յերկուս՝ ի վերուստ մինչեւ ի վայր. եւ երկիր շարժեցաւ. եւ լէմք պատառեցան. եւ գերեզմանք բացան. եւ բազում մարմինք ննջեցելոց սրբոց յարեան. եւ ելեալ ի գերեզմանաց յետ յարութեան նորա մտին ի քաղաքն ուրբ եւ երեւեցան բազմաց:

Իսկ հարևարապետն եւ որ ընդ նմա պահէին զՅիսուս, իբրեւ տեսին զշարժումն եւ զեզեալսն, երկեան յոյժ եւ ասեն. Արգարեւ Աստուծոյ որդի էր սա:

ԽԱ. Ի ԽԱՉԵԼՈՒԹԻՒՆ ՏԵԱՌՆ.

Ծարաւեցաւ Տէրն ի խաչին որպէս զմարդ, Այն, որ արար զՈվկիանոս ծով գեղեցիկ. Սամարացւոյն ջուր խնդրելով աղբիւրն Տէրն, Այն, որ արբոյց տիեզերաց զանմահութիւն:

Լեզի խառնեալ ընդ քացախոյ զինաւորին, Արբուցանէր այն Երկնաւոր Թագաւորին. Արեգակն խաւար դարձաւ միջօրէին, Նսեմացաւ ընդ անարգանս Անմահ Բանին:

Բարձրագոյն ձայնիւ դաչէր Տէրն ի խաչին Ձէլիէլին, և աւանդէր առ Հայր զՀոգին. Եւ վարագոյր Հին օրինին սուրբ տաճարին. Ընդ չարչարանս Կենարարին պատառէին:

Երկիր Հիմամբ ի յանդնդոց տասանէին, Վէժք պատառեալ և գերեզմանը բանային. Դժոխք սարսեալ սասանեցաւ՝ բանտն ահագին, Եւ արձակեաց զկապեալ Հոգիսն, որ անդ էին:

ԽԲ. ՄԱՏՆՈՒԹԻՒՆ ՏԵԱՌՆ:

1. Եւ երեալ գնաց ըստ սովորութեան ի լեռն Ձիթենեաց. գնացին զհետ նորա եւ աշակերտքն: Իբրեւ եհաս ի տեղին՝ ասէ ցնոսա. «Յաղօթս կացէք չմտանել ի փորձութիւն»: Եւ ինքըն մեկնեցաւ ի նոցանէ իբրեւ քարընկէց մի. եդ ծունր, կայր յաղօթս եւ ասէր. «Հայր, եթէ կամիս, անցո՛ղ զբաժակս զայս յինէն. բայց
2. ոչ իմ կամք, այլ քոյդ լիցին:» Եւ երեւեցաւ նմա հրեշտակ յերկնից եւ զօրացուցանէր զնա. եւ էր ի տագնապի. եւ մտադիւրութեամբ եւս կայր յաղօթս: Եւ հոսէին ի նմանէ քրտունք իբրեւ զկայալիս արեան ոլոռն ոլոռն հեղեալ յերկիր: Եւ յարուցեալ յաղօթիցն՝ եկն առ աշակերտսն եւ եգիտ զնոսա ի քուն ի տըրտ.
3. մութենէն: Եւ ասէ ցնոսա. «զի՞ ննջէք, արիք, կացէք յաղօթս, զի մի՛ մտանիցէք ի փորձութիւն:» Եւ մինչդեռ խօսէր, ահաւափիկ ամբոխ եւ որ կոչէրն Յուդա՝ մի յերկոտառանիցն՝ առաջնորդէր նոցա: Եւ իբրեւ մերձեցաւ առ Յիսուս՝ համբուրեաց զնա. քանզի զայն նշան տուեալ էր նոցա՝ թէ ընդ որում
4. եռ համբուրեցից, նա է՝ զնա ունիցիւր: Ասէ ցնոս Յիսուս. «Յուդա՛, համբուրելով մատնեռ զորդի մարդոյ:» Իբրեւ տեսին, որ զնովաւն էին, որ ինչ եղեւն, ասեն ցնոս. «Տէր, հարցո՛ւք զնոսա սրով:» Եւ եհար մի ոմն ի նո-

ցանէ դքահանայապետին ծառայ եւ ի բաց ե-  
հան զաջոյ ունին նորա: Պատասխանի ետ Յի-  
սուս եւ ասէ. «Թոյլ տուք մինչեւ ցայդ վայր:»  
Եւ մատուցեալ յունկնն բժշկեաց զնա: Եւ ասէ  
ցեկեալսն ի վերայ նորա՝ ցքահանայապետն  
եւ ցիշխանսն տաճարին եւ ցծերսն. «Իբրեւ ի  
վերայ աւազակի ելիք սուսերօք հւ բրօք. հա-  
նապազ ընդ ձեզ էի ի տաճարին եւ ոչ ձգե-  
ցէք ձեռս յիս. այլ այս է ձեր ժամ եւ իշ-  
խանութիւն խաւարի:» Եւ կալեալ զնա ածին  
եւ մուծին ի տուն քահանայապետին:

ԽԳ. ԱՆԱՐԳԱՆՔ ՏԵԱՌՆ.

Ո՛վ կամաւ զանկապելին  
կապեալ զձեռս արձակողին,  
ի յապարանսն տանէին  
կայիափայլ և Աննային.

Ծառայն զերեսն այն ապտակէր,  
Յորմէ սրովբէն թեւասքօղէր,  
Թուք արձակեալ պիղծ բերանով  
Յայն, որ կուրին լոյս ծագեաց թքով:

ԽԴ. ԶԱՅՆ ԱՌ ՄԵՂԱՒՈՐՆ.

Զքնչ գործես, ո՛վ թշուառական.

Ընդէր ոչ փութաս թափել ի չար ամբարշտու-  
թենէդ.

Ընդէր ոչ ողորմիս ոգւոյդ կորուսելոյ.

Ընդէր ոչ լաս եւ ողբաս զանօրէնութիւնս:

Ընդէր հուր ի հուր յաւելուս այրել դառ-  
նապէս.

Ընդէր ի վերայ կայծականց և փշոց գնաս  
հանապազ.

Հիմ քարավէժ և դարահոս լինիս ի վախից.

Վասն էր սուր սրես և նովին վիրաւորիս:

Զի ոչ դք է, որ հրով հուր շիջուցանէ.

Եւ ոչ չարիւ բարւոյ հանդիպի.

Ո՛վ է որ փուշ տնկէ և խաղող կթիցէ.

Կամ որումն սերմանիցէ և ցորեան հնձիցէ:

ԽԵ. ԾԱՌԱՅՆ ԶԱՐ.

1. Նմանեցաւ արքայութիւն երկնի առն թագա-  
ւորի, որ կամեցաւ համար առնել ի մէջ ծա-  
ռայից իւրոց: Եւ իբրեւ սկսաւ առնուլ, մա-  
տուցաւ առ նա պարտապան մի բիւր քան-  
քարոյ: Իբրեւ ոչ ունէր հատուցանել, հրա-  
մայեաց զնա վաճառել տէրն նորա եւ զկինն ու-  
րա եւ զորդիս եւ զամենայն, որ ինչ եւ ունի-  
ցի, եւ հատուցանել: Եւ անկեալ ծառայն երկիր-  
պագանէր նմա եւ ասէր. Երկայնամիտ լեր առ-  
ջ. իս եւ զամենայն հատուցից քեզ: Ի թացեալ

տէր ծառային այնորիկ՝ արձակեաց զնա եւ  
զփոխն եթող նմա: Եւ ելեալ ծառայն եգիտ  
զմի ի ծառայակցաց իւրոց, որ պարտէր նմա  
հարիւր գահեկան. եւ կալեալ զնա խեղդէր  
եւ ասէր. Հատո՞ ինձ զոր պարտիս: Արդ. ան-  
կեալ ծառայակցին առ ոտս նորա, սղաչէր  
եւ ասէր. Երկայնամիտ լեր առ իս եւ հատու-  
ցից քեզ: Եւ նա ոչ կամէր. այլ չոգաւ արկ զնա  
3. ի բանա, մինչեւ հատուցէ զպարտսն: Իբրեւ  
տեսին ծառայակիցքն նորա, որ ինչ եղեւն,  
տրտմեցան յոյժ. եւ եկեալ ցուցին տեսառն իւ-  
րեանց զամենայն, որ ինչ եղեւն: Յայնժամ կո-  
չեաց զնա տէրն եւ ասէ. Ծառայ չար, զամենայն  
զպարտսն թողի քեզ, վասն զի աղաչեցեր զիս. իսկ  
արդ. ոչ էր պարտ եւ քեզ ողորմել ծառայակ-  
ցին քում, որպէս. եւ ես քեզ ողորմեցայ: Եւ բար-  
կացեալ տէրն նորա, մատնեաց զնա դահճաց,  
մինչեւ հատուցէ զամենայն զպարտսն:

ԽԶ. ՁՄԵՌՆ.

Ի սիւզ ցրտագին  
Արդ զփայլ բնութիւն,  
Ծաղկի գլուխ լերին  
Յասրաքատակ ձիւն:

Ոչ հեշտին կարկաջ  
Ի մարմանդ գալար,

Ոչ երդ քաղցրաւաչ  
Յոստախիտ դադար:

Ո՛ւր են թերթք վարդի  
Յաղթողք ծիրանույ,  
Ո՛ւր ոսկեծղի  
Լիութիւն անդույ:

Ո՛ւր թփոց պարիկ  
Երգահան սոխակ  
Մեզ ի պահ լռիկ  
Հնչել զիւր նուագ:

ԽԷ. ԱՂԹՔ.

1. Ո՛րպիսի դողումն եւ ահել ահաւիրք են  
յանցաւորացն, յորժամ առաջի դատաւորին  
կայցեն ամօթով մեղացն. զի ա՛րդ այլագունին  
դէմք նոցա. զի ա՛րդ սոսկան եւ սարսափին: Եւ  
զի զգողիւ հարկանին յահեղ դիմաց դատաւո-  
րին: Գլխակորեալք եւ ալն ի խոնարհ լեզուակապք  
կան առաջի: Եւ եթէ աղաչել եւ մաղթել ինչ յան-  
դըգնիցին, անհամարձակ լեզուաւ հիւանդ աճայնս  
բարբառին. արտասուեն, աղաչեն, մաղթեն, զի ի  
գութ եւ յողորմ զգատաւորն ածիցեն: Եւ յոր-  
ժամ դատաւորն առ նոսա բարբառի, ոչ իշխեն  
զերեսս գարձուցանել կամ խօսել ընդ ումեր,

այլ միայն ի դատաւորն նային բազում պատկառանք:

2. Իսկ որչափ եւս առաւել կարի կարեւոր է մեզ բազում պատկառանք կալ առաջի ահաւորի մեծի Դատաւորին, ահեղ ահիւ մտանել եւ կալ յանդիման երեսացն Աստուծոյ եւ յորդահոս արտասուօք խնդրել զթողութիւն: Ոչ այլուր զմիտս եւ այլուր զխորհուրդսն պարտիմք առաքել. այլուր զլսելիս եւ այլուր զտեսանելիս յաճեցուցանել. պարտ է միշտ աղաչել եւ ժտել եւ խնդրել ի ձեռքն աղօթից: Որք միամիտ մտօք եւ անենեպ հաւատովք աղօթեն առ Աստուած եւ խնդրեն զբարին, ընդունին զխնդիրս ամենայն, որպէս ընկալան հարքն մեր առաջինք: Զէ ինչ պիտոյ յօգումն բազում բանից աղօթականին. մաքսաւորն մի բարբառ արձակեաց եւ ընդունելի եղեն աղօթք նորա. եւ Մովսէս անշշունչ բերանով իսկ աղաղակէր եւ զծովն յատակաբար բաժանէր. աղօթք Եղիայի զերկինս փակեցին եւ բացին. աղօթք Դաւթի զսուր հրեշտակին դադարեցուցին. աղօթքն Յօնանու զնա ի փորոյ կետին հանին կենդանի. աղօթք զհիւանդս բժշկեցին, զբորոտս մաքրեցին, զկոյրս լուսաւորեցին, զմեղաւորս արգարացուցին:

3. Յորժամ հաւատով աղօթես առ Աստուած, ընդունիս մեղաց թողութիւն, ընդունիս զերկնից զարքայութիւնն, ընդունիս մարմնոյ առողջութիւն, ընդունիս աւուրս բարիս եւ

հեանս խաղաղականս: Աղօթք զաղքատս մեծացուցանեն եւ զտկարս զօրացուցանեն. աղօթք զհիւանդացեալսն բժշկեն, ի ծփանաց ծովու զերժուցանեն, ի յորձանաց գետոց ապրեցուցանեն, զքաղցեալս կերակրեն, զմերկս զգեցուցանեն: Զմահս տարաժամս արգելուն:

ԽԸ. ՈՁԽԱՐՆ ԿՈՐՈՒՍԵԱԼ.

Աստ ուր ուռեաց ոստք խիտ առ խիտ  
Կախին զշուրբս ականակիտ,  
Բազմեալ բլրոյս դու ի ստորոտ  
Երգեա՛ ի նուրբ քոյի՜ն ծղօտ.  
Ծանօթ ձայնիդ թերեւս ի լուր  
Դարձցի ոչխարն առ հովիւ իւր:

Ահա՛ զպատկեր նորին վճիտ  
Հայի՛մ ի խորս ալեաց լճիդ.  
Ահա՛ բլրոյդ նա բարձր ի սեպ,  
Կացեալ ի վայր ականարկէ ստէպ.  
Նայեաց ի վեր ուրախ լեր արդ,  
Հովիւդ քաջ, գտեր զոչխարդ:

ԽԹ. ՄԱՀ ԳՈՂԻԱԹՈՒ

1. Եւ ժողովեցին այլազգիքն զբանակս իւրեանց ի պատերազմ: Եւ Սաւուղ եւ արք Իսրայէլի ժողովեցան ի հովիտսն եւ ճակատեցան ի պատերազմ ընդդէմ այլազգեացն: Եւ այլազ-

գիքն կային ի վերայ լերինն յայնմ կողմանէ. եւ Իսրայէլ կայր ի վերայ լերինն յայտմ կողմանէ. եւ հովիտն ի մէջ նոցա:

2. եւ ել այր զօրաւոր ի ճակատէ այլազգեացն Գողիաթ անուն նորա, բարձրութիւն նորա ի վեց կանգուն եւ թղաւ. եւ սաղաւարտ ի գլուխ նորա. եւ զրահս վերտոս զգեցեալ. եւ սռնապանք պղնձիք ի վերայ բարձից նորա, եւ վահան պղնձի ի վերայ թիկանց նորա. եւ բռն գեղարդան նորա իբրեւ զստորի ոստայնակաց. եւ զինակիր նորա առաջի նորա երթայր:

3. եկն եկաց, ձայն ետ ի ճակատն Իսրայէլի եւ ասէ ցնոսա. «ընդէր ելանէք ճակատել ի պատերազմ ընդդէմ մեր. ոչ ապաքէն ես այլազգի եմ եւ դուք եբրայեցիք ծառայք Սաւուղայ. ընտրեցէք դուք ձեզ այր մի եւ իջէ առ իս. եթէ կարասցէ կռուել ընդ իս եւ հարկանել զիս, եղիցո՛ւք մեք ձեզ ի ծառայս. ապա թէ ես յաղթեցից եւ հարից զնա, եղիջի՛ք դուք մեզ ի ծառայս եւ ծառայեսցի՛ք մեզ»:

Իբրեւ լուաւ Սաւուղ եւ ամենայն Իսրայէլ զբանս այլազգւոյն, զահի հարան եւ երկեան յոյժ:

4. եւ էր այր մի ի Բեթղազեմէ, եւ անուն նորա Յեսսէ. եւ էին նորա որդիք ութ. եւ գնացին երեք որդիքն Յեսսեայ մեծագոյնք զհետ Սաւուղայ ի պատերազմ. եւ Դաւիթ էր կրտսեր. եւ ասէ Յեսսէ ցԴաւիթ ցորդի իւր. «ան դու եղբարց քոց զարդու փոխնդոյս այսորիկ եւ

զտառն նկանակս զայսորիկ եւ պնդեա՛ ի բանակն եւ տո՛ւր եղբարց քոց. եւ զտառն մաճառակս կաթին տացէս հազարապետին. եւ տեսցէս զողջոյն եղբարց քո. եւ եթէ պէտք ինչ իցեն նոցա, իմասցիս»:

5. եւ կանխեաց Դաւիթ ընդ առաւօտն եւ եթող զօչխարսն ի տուրածականսն. եւ եկն իտափարակն եւ ի զօրն. եւ եթող Դաւիթ զկարասին յինքենէ ի ձեռն վանապանին եւ ընթացաւ ի ճակատն. եւ եկն եհարց զողջունէ եղբարցն իւրոց. եւ մինչդեռ նա խօսէր, ահա Գողիաթ խօսեցաւ ըստ նմին բանից. եւ լուաւ Դաւիթ: Եւ խօսեցաւ Դաւիթ ընդ արսն, որ շուրջ կային զնովաւ եւ ասէ. «զի՞նչ առնիցէ արքայ առն, որ հարկանիցէ զայլազգին զայն եւ բառնայցէ զնախատինս յԻսրայել»:

6. եւ լու եղեն բանքն, զոր խօսեցաւ Դաւիթ. եւ պատմեցին առաջի Սաւուղայ. եւ առ զնա առ ինքն: Եւ ասէ Դաւիթ ցՍաւուղ. «մի անկցի սիրտ տեառն իմոյ ի վերայ իւր. ծառայ քո երթիցէ եւ մարտիցէ ընդ այլազգւոյն ընդ այնմիկ»: Եւ ասէ Սաւուղ ցԴաւիթ. «գուցէ ոչ կարիցես երթալ կռուել ընդ այլազգւոյն. զի դու մանուկ ես եւ նա այր պատերազմող ի մանկութենէ իւրմէ»:

7. եւ ասէ Դաւիթ ցՍաւուղ. «արածէր ծառայ քո զխաշինս հօր իւրոյ, եւ յորժամ գայր առիւծ կամ արջ եւ առնոյր ոչխար ի հօտէ

անտի, ելանէի զհետ նորա եւ հարկանէի զնա եւ կորզէի ի բերանոյ նորա. եւ եթէ յառնէր ի վերայ իմ, ունէի զփողից նորա եւ հարկանէի եւ սպանանէի զնա: Զառիւծ եւ զարջ սատակէր ծառայքո եւ եղիցի այլազգին իբրեւ զմի ի նոցանէ. եւ արդ ոչ երթայց սատակեցից զնա եւ բարձից այսօր զնա- խատինս յԻսրայելէ: Տէր Աստուած, որ ապրեցոյց զիս ի ձեռաց առիւծուն եւ ի ձեռաց արջոյն, նոյն ապրեցուցէ զիս ի ձեռաց այլազգւոյն այնորիկ»: Եւ ասէ Սաւուղ. «Երթ եւ Տէր եղիցի ընդ քեզ»:

8. Եւ զգեցոյց Սաւուղ Դաւթի զվարապանակս իւր եւ սաղաւարտ պղնձի ի գլուխ նորտ, եւ այգոյց նմա զրահս, եւ ած Դաւիթ զսուսեր իւր ընդ մէջ ի վերայ վարապանակացն. եւ գրթեաց ի գնալն միանգամ եւ երկիցս. եւ ասէ Դաւիթ ցՍաւուղ. «ոչ կարեմ երթալ սոքօք, զի չեմ հմուտ». եւ հանին զայն ի նմանէ: Եւ առ զցուպն իւր ի ձեռին իւրում. եւ ընտրեաց իւր չինգ քարինս ողորկս ի հեղեղատէն. եւ եղ զնոսա ի հովուական մաղախին, յոր սովոր էր զքարն ժողովել, եւ զպարսն ի ձեռին իւրում. եւ մերձեցաւ առ այրն այլազգի: Եւ գնայր գայր այլազգին եւ մերձենայր առ Դաւիթ. եւ այր վահանակիր առաջի նորա:

9. Իբրեւ հայեցաւ այլազգին եւ ետես զԴաւիթ, արհամարհեաց զնա. զի էր պատանեակ խարտեալ եւ աչօք գեղեցիկ: Եւ ասէ այլազգին.

«զիա՞րդ. շո՞ւն եմ ես, զի ցպոյլ եւ քարամբք գաս ի վերայ իմ»: Եւ ասէ Դաւիթ. «նաեւ վատթար ես ես քան զչուն»: Եւ ասէ այլազգին ցԴաւիթ. «եկ առ իս եւ տաց զմարմին քո թռչնոց երկնից եւ գազանաց երկրի»:

10. Եւ ասէ Դաւիթ ցայլազգին. «դու գաս ի վերայ իմ սրոյ եւ գեղարդեամբ եւ սոսպարաւ. եւ ես գամ ի վերայ քո անուամբ Տեառն զօրութեանց. եւ փակեսցէ զքեզ Տէր այսօր ի ձեռս իմ եւ ոպանից զքեզ եւ առից զգլուխ քո ի քէն. եւ տաց զգէշ քո եւ զղիակունս բանակի այլազգեացդ յաւուր յայսմիկ թռչնոց երկնից եւ գազանաց երկրի. եւ ծանիցէ ամենայն երկիր թէ գոյ Աստուած ի մէջ Խորայէլի»:

11. Եւ յարեաւ այլազգին եւ եկն եւ մերձեցաւ ընդդէմ Դաւթի. եւ ձգեաց Դաւիթ զձեռն իւր ի մաղախն եւ առ անտի քար մի եւ պարսաքարեաց եւ եհար զճակատ այլազգւոյն. եւ եմուտ սաղաւարտն ի ճակատն, եւ անկաւ ի վերայ հրեաց իւրոց յերկիր: Եւ ընթացաւ Դաւիթ եւ հարաւ ի վերայ նորա. եւ առ զնորին սուսեր եւ մերկաց զնա ի պատենից իւրոց եւ սպան զնա եւ եհատ զգլուխ նորա:

Ծ. ԴԱՒԻԹ.

Փոքր ի յեղբարս իմ ես էի, կրտսեր ի տան հօր իմոյ. ի սոյլ սրնգի ընդ արօտ արածէի զխաշն հայրենի:

Արարին ձեռք իմ ինձ քնար, գործի մատուցեք իմ  
օրհնութեան: Թրհնեսցէ անձն իմ զՏէր, որ զհրեշտակ իւր ա-  
ռաքեաց. եւ ի հօտէ անտի խաշանց էառ ամբարձ գիտ  
յաթող. իւր զգլխով իմով եհեղ, էօծ կացոյց գիտ թա-  
ղաւոր: Ահա եղբարք իմ մեծամեծք, ահա եղբարք իմ գե-  
ղեցիկք. Այլ ոչ ընտրեաց զնոսա Տէր, ոչ հաճեցաւ Տէր  
ընդ նոսա: Ելի ընդ առաջ ալլազգւոյն, զգիտ նորա նզովեցի.  
Հանի գսուսերն ի նմանէ, հատի զգլուխ նորա  
նովին, Ի բաց յորդուոցն Իսրայէլի զնախատինս բարձեալ:

ԾԱ. ՔԷՆ ՍՍԻՈՒՂԱՅ.

1. Եւ խօսեցաւ Սաւուղ ընդ Յովնաթանայ որդե-  
ւոյ իւրում եւ ընդ ամենայն ծառայս իւր  
սպանանել զԴաւիթ: Եւ Յովնաթան որդի Սա-  
ւուղայ հաճեալ էր ընդ Դաւթի յոյժ. եւ  
պատմեաց Յովնաթան Դաւթի եւ ասէ. Հայր  
իմ խնդրէ սպանանել զքեզ. զգոյշ լի՛ր վա-  
ղիւ ընդ առաւօտն. եւ թաքիջի՛ր եւ նստի-  
ջի՛ր ի թաքստեան. եւ ես ելից եւ կացից մօտ  
առ հօր իմում եւ խօսեցայց վասն քո ընդ

հօր իմում. եւ տեսից եթէ զի՞նչ իցէ եւ պատ-  
2. մեցից քեզ: Եւ խօսեցաւ Յովնաթան վասն  
Դաւթի բանս բարիս ընդ Սաւուղայ հօր իւ-  
րում եւ ասէ ցնա. Մի՛ մեղիցէ արքայ ի ծառայ  
իւր Դաւիթ, զի ոչինչ մեղաւ նա քեզ. եւ գործք  
նորա բարութեամբ են առ քեզ յոյժ. եւ եդ  
զանձն իւր ի ձեռին իւրում եւ եհար զայ-  
լազգին, եւ արար փրկութիւն մեծ. եւ ամե-  
նայն Իօրայէլ տեսին եւ աւրախ եղեն. եւ ըն-  
դէր մեղանչիցես յարիւն արդար սպանանել  
զԴաւիթ տարապարտուց: Եւ լուաւ Սաւուղ  
ձայնի Յովնաթանու. եւ երգուաւ Սաւուղ եւ  
3. ասէ. Կենդանի է Տէր, եթէ մեռանիցի: Եւ  
կոչեաց Յովնաթան զԴաւիթ. եւ պատմեաց  
նմա Յովնաթան զամենայն բանս զայսոսիկ.  
Եւ տարաւ Յովնաթան զԴաւիթ առ Սաւուղ.  
Եւ էր առաջի նորա իբրեւ յերեկն եւ յեռան-  
դըն: Եւ յաւել եւս լինել պատերազմ. եւ զօ-  
րացաւ Դաւիթ տալ պատերազմ ընդ այլազ-  
գիսն. եւ եհար ի նոցանէ հարուածս մեծա-  
4. մեծս յոյժ. եւ փախեան յերեսաց նորա: Եւ  
եղեւ այս չար ի Տեառնէ ի վերայ Սաւուղայ.  
Եւ ինքն նստէր ի տան եւ գեղարդն ի ձեռին  
նորա. եւ Դաւիթ երգէր ձեռօք իւրովք. եւ  
խնդրէր Սաւուղ հարկանել զգեղարդնն ընդ  
Դաւիթ եւ եհար ընդ որմն. եւ Դաւիթ եւ գնաց  
եւ զերծաւ: Եւ եղեւ ի գիշերին յայնմիկ ա-  
ռաքեաց Սաւուղ հրեշտակս ի տուն Դաւիթ

պահել զնա. զի սպանցէ զնա ընդ առաւօտն:  
եւ Դաւիթ փախեալ եւ ապրեցաւ:

ԾԲ. ԱՌ. ՍՈՒԱԿՆ.

Ընդ Հովանեաւ սաղարթագեղ  
Խոնջ և թախիծ ծուփք ի ճակատ  
Նստիմ յերգոցդ ի լուր գեղգեղ  
եւ ի հոգոց հանգչիմ ազատ:

Ոհ, դու ի նուագդ յաւերժացիւր,  
Նստայց ես աստ, սոխակ քաղցրիկ,  
Մինչև տացես ինձ քաղցր ի նիւհ  
Ննջել յերգոցդ ի դալալիկ:

ԾԳ. ՈՒԱՊԱՀՆ.

1. Ոխապահն նստի հանապազ եւ խորհի պատուհաս չարեաց նախանձորդին. ըղձանայ, նիւթէ չար ընկերին. նմա խորհի եւ զսով. նմա խորհի եւ զսուր. նմա խորհի եւ զհէնս. նմա խորհի եւ զմահս եւ զամենայն չարս: Աքողին երեսք նորա ի տեսութենէ նորա. եթէ ի ճանապարհի ուրեք գիպեսցի, խնդրէ թողուլ զճանապարհն. եթէ յեկեղեցւոյն տեսանիցէ, չկամի եւ յեկեղեցին մտանել. եւ եթէ ի հրապարակին
2. գիպեսցի, զգլուխն խոնարհեցուցանէ: Եւ եթէ չար ոք զնմանէ խօսեսցի, նա ի վեր հայեցեալ վարթնու եւ զուարթանայ. եւ եթէ բան ինչ բարի զնախանձորդէն յիցէ, տրտմի. եւ տխրին երեսք նորա: Սիրելի է թշնամեաց նորա եւ թշնա-

մի է բարեկամաց նորա: Ոխապահն չարայուշ ոչ երբէք դադարէ ի սպանութենէ. նա եւ ի զքօսանս իւր մարդասպան է, զի զոխս ընկերին ի սրտին ունի. նա եւ յանկողինս իւր մարդասպան է, յորժամ զոխս ընկերին յիշէ. նա եւ ի տան մարդասպան է. նա եւ յեկեղեցւոյ մարդասպան է. եւ ի հրապարակս մարդասպան է, զի զոխս հանապազ ի սրտի իւրում կրէ:

ԾԴ. ԱՇՈՒՆ.

Զամառն և զգարուն.

Արկեալ զառաջեալ,

Աշուն ճոխ մրգաւ

Գայ բիւրաբեղուն.

Ճակատուն պսակ

Փայլէ շիկագոյն

Որթոց սաղարթուն

Թե քաջողկուղակ.

Եւ յամաղթեղջիւր

Լի գեղազուարճ

Իբրեւ ի կապարճ

Ցորեան ոսկեթոյր.

Նուռն թագաւոր

Զարդ փառաց նորին,

Եւ շնորհք ի ձեռին

Կարմրորակ խնձոր:

ԾԵ. ՄԱՀ ՍԱՌՈՒՂԱՅ.

1. Եւ եղեւ յետ մահուանն Սաւուղայ, դարձաւ Դաւիթ ի հարկանելոյ զԱմադէկ. եւ նըստաւ Դաւիթ աւուրս երկուս: Եւ եղեւ յետ աւուրն երկրորդի եւ ահա այր եհաս ի բանակէ զօրուն Սաւուղայ. եւ հանդերձք իւր պատառեալք եւ հոգ զգլխով իւրով. եւ եղեւ մտանել նորա առ Դաւիթ. անկաւ եւ երկիր եպագ նմա. եւ ասէ ցնա Դաւիթ. Զի՞նչ զրոյց է,
2. պատմեա ինձ: Եւ ասէ. Փախեալ ժողովուրդն ի պատերազմէն. եւ անկան բազումք ի ժողովրդենէն եւ մեռան. եւ Սաւուղ եւ Յովնաթան մեռան: Եւ ասէ Դաւիթ ցպատանին, որ պատմեաց նմա. Զիսորդ գիտես եթէ մեռաւ Սաւուղ եւ Յովնաթան որդի նորա: Եւ ասէ պատանին, որ պատմեաց նմա. «Գիպելով գիպեցայ ի լերինն. եւ ահա Սաւուղ յեցեալ կայր ի նիզակն իւր. եւ ահա կառք եւ ախոյեանք հեծելոց գումարեցան ի նա. եւ հայեցաւ ի թիկունս իւր եւ ետես զիս. եւ կոչեաց զիս. եւ ասեմ. Աւասիկ եմ. եւ ասէ ցիս. Ո՞վ ես դու. եւ ասեմ. Ամադեկացի եմ ես. եւ ասէ ցիս. Արի ի վերայ իմ եւ սպան զիս. զի կալաւ զիս մնւթ անհնարին: Եւ յարեայ ի վերայ նորա եւ սպանի զնա. եւ առի զթագն ի գլխոյ նորա եւ զապտաշանջանս ի բազկէ նորա եւ բերի զնոսա տեառն

4. իմում այսր» Եւ բուռն եհար Դաւիթ զհանդերձից իւրոց եւ պատառեաց զնոսա. եւ ամենայն արք որ ընդ նմա պատառեցին զհանդերձս իւրեանց. եւ կոծեցան եւ պահեցին եւ լացին մինչեւ ցընդերեկս ի վերայ Սաւուղայ եւ Յովնաթանու որդւոյ նորա եւ ի վերայ տանն Իսրայէլի զի հարան սրով: Եւ ասէ Դաւիթ ցպատանին, որ պատմեաց նմա. Ուստի՞ ես դու. եւ ասէ. Որդի առն պանդխտի եմ ես. եւ ասէ ցնա Դաւիթ. Եւ զիսորդ ոչ երկեար ձգել զձեռն քո ապականել զօճեալն Տեառն:
5. Եւ կոչեաց Դաւիթ զմի ի մանկուոյն եւ ասէ. Մատիք եւ պատահեալ դմա. եւ եհար զնա եւ մեռաւ. եւ ասէ ցնա Դաւիթ. Արիւն քո ի գլուխ քո. զի բերան քո խօսեցաւ զքէն եւ ասէ թէ ես սպանի զօճեալն Տեառն: Եւ ողբաց Դաւիթ զողբս ի վերայ Սաւուղայ եւ ի Յովնաթանու որդւոյ նորա.

ԾԶ. ՀՐԱՄԱՆ ԱՍՏՈՒԹԱՅ.

1. Զիշխան ժողովրդեան մի հայհայեցեալ. Որ հարկանէ զհայր իւր կամ զմայր իւր մահու մեռցի: Որ բամբասեցէ զհայր իւր կամ զմայր իւր մահու մեռցի: Համբաւ ուստ մի ընդունիցիս: Եթէ լսելով լուիցեալ ձայնի իմում եւ արասցես զամենայն, զոր ինչ ապացի քեզ եղէց թշնամի թշնամեաց քոց եւ հակառակ կացից հակառակորդաց քոց:

ԾԷ. ԶՕՐՈՒԹԻՒՆ ԱՍՏՈՒԾՈՅ.

Աղեղունք հզօրաց տկարացան.

Եւ տկարք զգեցան զօրութիւն.

Լցեալք հացիւ նուաղեցին.

Եւ քաղցեալք բնակեցան լերկրի:

Զի ամուլն ծնաւ եօթն.

Եւ բազմածինն նուաղեցաւ.

Տէր մեռուցանէ և կեցուցանէ,

Իջուցանէ ի դժոխս և հանէ:

Տէր աղքատացուցանէ և մեծացուցանէ,

Խոնարհեցուցանէ և բարձրացուցանէ.

Կանգնէ լերկրէ զտնանկն.

Եւ յարուցանէ զաղքատն յաղբեաց

Նստուցանել զնոսա ընդ զօրաւորս ժողո-

վրդեան.

Եւ ամթոռ փառաց ժառանգեցուցանէ նոցա:

Մի պարծեսցի իմաստունն իմաստութիւն իւր.

Եւ մի պարծեսցի հզօրն ի զօրութիւն իւր.

Եւ մի պարծեսցի մեծատունն ի մեծութիւն իւր,

Այլ արնու պարծեսցի, որ պարծիցին,

Իմանալ և ճանաչել զՏէր

Եւ առնել զիրաւունս և զարդարութիւն ի մէջ

երկրի:

ԾԸ. ՕՐՀՆԵՑԷՔ ՄԱՆԿՈՒՆՔ ԶՏԷՐ.

Ի հովիտ քարնայի:

Տուք ձեռն ի ձեռն հապա մանկունք

Հրաւեր ի դաշտ կարդան ծաղկունք.

Գեղեցկագոյն տարւոյ ամիս

Ահա հասեալ է մեզ մայիս.

Զաստուածայինն աստ տեսէք սէր

Եւ օրհնեցէք մանկունք զՏէր:

Տեսէք զեթերս, սհ, զի պայծառ

Ոհ զի չքնաղ երկիր խոնարհ,

Լուսացնցուղ օդք թափանցիկք

Թուին բիւրեղք երկնաբայիկք.

Զաստուածայինն աստ տեսէք սէր

Եւ օրհնեցէք մանկունք զՏէր:

Եկա՛յք իջցուք ի դաշտ հովիտ

ձեմել ի մարգս ծաղկախիտ,

Բլուրքս և մայրքս են դալարիք

Գետք և առուակքս խաղաղիկ.

Զաստուածայինն աստ տեսէք սէր

Եւ օրհնեցէք մանկունք զՏէր:

Անթել կապերտ կանաչորակ

Անծալ սփռի առ հասարակ,

Եւ երփներանգ անկեալ նարօտ

Ի բիւրաբիւր ծաղկանց ծրօտ.

Զաստուածայինն աստ տեսէք սէր

Եւ օրհնեցէք մանկունք զՏէր:

Տեսէք քանի՛ բիւրք են ծաղկանց,  
Բանի՛ երանգք, ձևք գերազանց.  
Զի՛ անուշակ հոտս նրբբին  
Զոր ի հեռուստ քիմք մեր արբին.  
Զաստուածայինն աստ տեսէք սէր  
Եւ օրհնեցէք մանկունք զՏէր:

Հայեցարձք ի թիթեռնիկ  
Հեզաթռիչ ծաղկէ ծաղիկ,  
Որոց նման և ինքն պերճ  
Ծաղկաթևէ լալերաց մէջ.  
Զաստուածայինն աստ տեսէք սէր  
Եւ օրհնեցէք մանկունք զՏէր:

Լուարձք զերգ ծիծռանցդ բիւր  
Ի հարաւոյ հասեալ մեզ հիւր,  
Ի ծալր ծառոցս եղեալ բունիկ  
Ու զվտակաւս թափառիկ.  
Զաստուածայինն աստ տեսէք սէր  
Եւ օրհնեցէք մանկունք զՏէր:

Լսէք հեռուստ և հեզ բառաջ.  
Ահա՛ գառինքն ի սէզ կանաչ,  
Եւ ուլք ի վազս ձեզ նման  
Խալտան ի սոյլ հովուի սրնգան.  
Զաստուածայինն աստ տեսէք սէր  
Եւ օրհնեցէք մանկունք զՏէր:

Վ Ե Ր Զ:

## Յ Ա Ն Կ

Երեւ.

|                           |                      |    |
|---------------------------|----------------------|----|
| Ա. Գարուն . . . . .       | Ս. Գիրք . . . . .    | 3  |
| Բ. Շաւիղք ամբարշտաց       | Նոյն . . . . .       | —  |
| Գ. Մշակք այգւոյն . . .    | Նոյն . . . . .       | 4  |
| Դ. Երգ դաշտաց . . . . .   | Մ. Զախջախեան . . .   | —  |
| Ե. Որսորդ . . . . .       | Ողորմականոս . . .    | 5  |
| Զ. Պատուիրանք Տեառն .     | Ս. Գիրք . . . . .    | —  |
| Է. Երազ . . . . .         | Նոյն . . . . .       | —  |
| Ը. Տրտունջ . . . . .      | Մխիթար Գօշ . . . . . | 6  |
| Թ. Իմաստութիւն . . . . .  | Ս. Գիրք . . . . .    | —  |
| Ժ. Փարիսեցիք և Մաքսաւորն  | Նոյն . . . . .       | 7  |
| ԺԱ. Խրատ . . . . .        | Նոյն . . . . .       | —  |
| ԺԲ. Գարուն . . . . .      | Ե. Հիւրմիւզեան . . . | 8  |
| ԺԳ. Սամարացիք ողորմած     | Ս. Գիրք . . . . .    | —  |
| ԺԴ. Ողորմածութիւն . . .   | Նոյն . . . . .       | 9  |
| ԺԵ. Որոջ աղբատին . . .    | Նոյն . . . . .       | —  |
| ԺԶ. Աղբատն . . . . .      | Յոհան Մանդակունի     | 10 |
| ԺԷ. Պատգամք աստուածայինք  | Ս. Գիրք . . . . .    | —  |
| ԺԸ. Թղենին անպտուղ .      | Նոյն . . . . .       | 11 |
| ԺԹ. Զանասիրութիւն . .     | Նոյն . . . . .       | —  |
| Ի. Առ Տեղու . . . . .     | Մ. Զախջախեան . . .   | 12 |
| ԻԱ. Անծեղ . . . . .       | Մխիթար Գօշ . . . . . | —  |
| ԻԲ. Պատարագն Արրահամու    | Ս. Գիրք . . . . .    | 13 |
| ԻԳ. Բանք Փրկչին . . . . . | Նոյն . . . . .       | 14 |
| ԻԴ. Առեղծուած ի Յովնան    | Ե. Հիւրմիւզեան . . . | 15 |
| ԻԵ. Յովսէփ գեղեցիկ . . .  | Ս. Գիրք . . . . .    | —  |
| ԻԶ. Սերմանահան . . . . .  | Նոյն . . . . .       | 18 |

|                                        |                        |    |
|----------------------------------------|------------------------|----|
| ԻԷ. Ունայնութիւն . . .                 | Մ. Զախջախեան . . .     | —  |
| ԻԸ. Անկուսն Երուսաղէմի . . .           | Ս. Գիրք . . .          | 19 |
| ԻԹ. Բարկութիւն . . .                   | Յոհան Մանգակունի . . . | —  |
| Լ. Գանիէլ մարգարէ . . .                | Ս. Գիրք . . .          | 20 |
| ԼԱ. Գարուն . . .                       | Մ. Զախջախեան . . .     | 23 |
| ԼԲ. Երկիր ի փոքունց . . .              | Մխիթար Գօշ . . .       | 24 |
| ԼԳ. Աման . . .                         | Ե. Հիւրմիւղեան . . .   | —  |
| ԼԴ. Բու և Արծիւ . . .                  | Մխիթար Գօշ . . .       | 25 |
| ԼԵ. Ուխտ Յեփթայայ . . .                | Ս. Գիրք . . .          | —  |
| ԼԶ. Ի մահ սոխակին . . .                | Ա. Բագրատունի . . .    | 27 |
| ԼԷ. Իմաստուն կուսանք . . .             | Ս. Գիրք . . .          | —  |
| ԼԸ. Եղանակք . . .                      | Ե. Հիւրմիւղեան . . .   | 28 |
| ԼԹ. Բանք նախնի իմաստասիր. Սոփերք . . . | —                      | 29 |
| Խ. Խաչելութիւն Տեառն . . .             | Ս. Գիրք . . .          | 30 |
| ԽԱ. Ի խաչելութիւն Տեառն . . .          | Ն. Շնորհալի . . .      | 32 |
| ԽԲ. Մասնութիւն Տեառն . . .             | Ս. Գիրք . . .          | 33 |
| ԽԳ. Անարգանք Տեառն . . .               | Ն. Շնորհալի . . .      | 34 |
| ԽԴ. Չայն առ մեղաւորն . . .             | Յոհան Մանգակունի . . . | —  |
| ԽԵ. Ծառայն չար . . .                   | Ս. Գիրք . . .          | 35 |
| ԽԶ. Չմեռն . . .                        | Ղ. Ալիշանեան . . .     | 37 |
| ԽԷ. Աղօթք . . .                        | Յոհան Մանգակունի . . . | 36 |
| ԽԸ. Ոչխարն կորուսեալ . . .             | Ե. Հիւրմիւղեան . . .   | 39 |
| ԽԹ. Մահ Գողիթաթու . . .                | Ս. Գիրք . . .          | —  |
| Ծ. Դաւիթ . . .                         | Ե. Հիւրմիւղեան . . .   | 43 |
| ԾԱ. Քէն Սաւուղայ . . .                 | Ս. Գիրք . . .          | 44 |
| ԾԲ. Առ սոխակն . . .                    | Ե. Հիւրմիւղեան . . .   | 46 |
| ԾԳ. Ոխապահն . . .                      | Յոհան Մանգակունի . . . | —  |
| ԾԴ. Աշուն . . .                        | Ղ. Ալիշանեան . . .     | 47 |
| ԾԵ. Մահ Սաւուղայ . . .                 | Ս. Գիրք . . .          | 48 |
| ԾԶ. Հրաման Աստուծոյ . . .              | Նոյն . . .             | 49 |
| ԾԷ. Զօրութիւն Աստուծոյ . . .           | Նոյն . . .             | 50 |
| ԾԸ. Օրհնեցէք մանկունք զՏէր . . .       | Ղ. Ալիշանեան . . .     | 51 |

## ՎՐԻՊԱԿՆԵՐ

| Երէն | Տ    | Ս               | Ուն      |
|------|------|-----------------|----------|
| » 5  | » 8  | Ներքեից սորա    | նորա     |
| » 6  | » 8  | վերեից զծնունդս | զծնունդս |
| » 7  | » 2  | ներքեից խրատուի | խրատուի  |
| » 9  | » 10 | » աղքատ         | աղքատ    |
| » 9  | » 11 | » քաղաքի        | ի քաղաքի |
| » 11 | » 3  | » անդադաղ       | անդանդաղ |
| » 14 | » 2  | » գաղտնի        | գաղտնի   |
| » 15 | » 1  | վերեից՝ ոչէ     | ոչ է     |
| » 18 | » 6  | ներքեից աւաղ    | աւաղ     |
| » 38 | » 11 | » զծովն         | զծովն    |
| » 40 | » 8  | վերեից պղնձիք   | պղնձիք   |
| » 42 | » 14 | » այգոյց        | այգոյց   |

2013

3755

## ՀՀ Ազգային գրադարան



NL0061989

